



Broj:01/7-50-1-651-8/09
Sarajevo, 10.06.2009. godine

Z A P I S N I K
sa 8. sjednice Komisije za pripremu izbora Vijeća ministara BiH

Sjednica je održana dana 10.06.2009. godine s početkom u 9,00 sati.

Sjednici su prisustvovali članovi Komisije: **Branko Dokić, Rifat Dolić, Halid Genjac, Velimir Jukić, Hadži Jovan Mitrović, Mirko Okolić i Vinko Zorić.** Odsutni su bili **Lazar Prodanović, Azra Alajbegović, Sefer Halilović, Jerko Ivanković - Lijanović, Zlatko Lagumdžija.**

Sjednici je bio prisutan Milan Zjajić, koji je obavljao poslove sekretara Komisije, Alma Salkić Mijić, Aida Kreho iz Zakonodavnopravnog sektora PS BiH i Zoran Brkić iz Odjela za odnose s javnošću PSBiH.

Sjednica je završena u 9 sati i 45 minuta.

Komisija je jednoglasno prihvatila sljedeći:

D N E V N I R E D :

1. Verifikacija zapisnika sa 7. sjednice,
2. Razmatranje podobnosti i davanje mišljenja – preporuke za potvrđivanje Mladena Simića za obavljanje funkcije zamjenika ministra komunikacija i prometa i Živka Marjanca za obavljanje funkcije zamjenika ministra odbrane za politiku i planiranje i
3. Tekuća pitanja.

Ad. 1. Verifikacija Zapisnika sa 7. sjednice održane 28. 07. 2008. godine

Bez primjedbi Komisija je jednoglasno verifikovala Zapisnik sa 7. sjednice održane 28.07.2008. godine.

Ad. 2. Razmatranje podobnosti i davanje mišljenja – preporuke za potvrđivanje Mladena Simića za obavljanje funkcije zamjenika ministra komunikacija i prometa i Živka Marjanca za obavljanje funkcije zamjenika ministra odbrane za politiku i planiranje

Nakon otvaranja rasprave po ovoj tački dnevnog reda predsjedavajući je podsjetio članove Komisije na relevantne odredbe zakona o Vijeću ministara BiH, Poslovnika Predstavničkog doma PS BiH i Poslovnika o radu Komisije.

Komisija je nakon kraće rasprave odlučila da je potrebno da kandidati za zamjenike ministara pristupe na sjednicu, kako bi odgovarali na pitanja članova Komisije.

Prvi je pristupio Mladen Simić, zamjenik ministra komunikacija i prometa.

Nakon što ga je pozdravio i poželio mu puno uspjeha u radu, predsjedavajući Halid Genjac je postavio prvo pitanje, tako da je zamolio imenovanog zamjenika ministra da kratko kaže da li je upoznat sa organizacijom i strukturom Ministarstva prometa i komunikacija.

Odgovarajući na ovo pitanje Mladen Simić je između ostalog istakao da je upoznat sa strukturom i organizacijom Ministarstva, ali da će mu naravno trebati vremena dok se upozna sa svim zaposlenim.

Branko Dokić je postavio pitanje šta će biti prioriteti zamjenika ministra u oblasti telekomunikacija, obzirom da je po struci dipl.ing. telekomunikacija.

Odgovarajući na ovo pitanje, Mladen Simić je istakao da su prioriteta u toj oblasti harmonizacija propisa sa susjednim zemljama i zemljama Evropske unije. Takođe, jedan od prioriteta u radu će biti digitalizacija zemaljske tv mreže.

Halid Genjac je postavio drugo pitanje tako da je zamolio zamjenika ministra da iznese svoj stav oko gradnje koridora VC.

Mladen Simić je odgovorio na pitanje, ukratko iznoseći šta mu je poznato o radu na Koridoru VC, da su planovi da se izgradi 130 km autoputa, te je istakao da smatra da je to jako zahtjevan projekat.

Mirko Okolić je pozdravio zamjenika ministra, čestitao mu na kandidaturi na tu funkciju, i predložio mu da u njegovom budućem radu fokus ne bude samo na problemima telekomunikacija, nego da i saobraćaj bude oblast interesovanja.

Rifat Dolić je postavio pitanje kako zamjenik ministra gleda na sinhronizaciju i harmonizaciju propisa unutar države, između entitetskih i državnih propisa.

Mladen Simić je odgovarajući na ovo pitanje, naglasio da je naravno i ova vrsta harmonizacije jako važna, a ne samo harmonizacija propisa sa propisima Evropske unije i susjednih zemalja.

Kako nije bilo drugih pitanja pristupilo se glasanju.

Komisija je sa pet glasova "za", bez glasova "protiv" i sa dva "suzdržana", utvrdila da **Mladen Simić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju zamjenika ministra prometa i komunikacija u Vijeću ministara BiH.

Zatim je pristupio **Živko Marjanac, zamjenik ministra odbrane za politiku i planiranje.**

Predsjedavajući Halid Genjac nakon uvodnih i pozdravnih riječi, postavio je pitanje kakav je stav zamjenika ministra i kako gleda na proces pristupanja Bosne i Hercegovine u NATO.

Odgovarajući na ovo pitanje, Živko Marjanac, istakao je da je to želja svih i građana i političara, ali da smatra da su potrebna velika sredstva da bi se ispunili uslovi koji stoje pred Bosnom i Hercegovinom, a koja se mogu obezbijediti ili zaduživanjem ili na drugi način.

Kako nije bilo drugih pitanja pristupilo se glasanju.

Komisija je sa pet glasova "za", bez glasova "protiv" i sa dva "suzdržana", utvrdila da Živko Marjanac ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju zamjenika ministra odbrane za politiku i planiranje u Vijeću ministara BiH.

Komisija je preporučila Predstavničkom domu Parlamentarne skupštine BiH da potvrdi imenovanje **Mladena Simića** za zamjenika ministra komunikacija i prometa u Vijeću ministara BiH i Živka Marjanca za zamjenika ministra odbrane za politiku i planiranje.

Za izvjestioca na sjednici Predstavničkog doma imenovan je predsjedavajući Komisije Halid Genjac.

Ad. 3. Tekuća pitanja.

Kako nije bilo drugih pitanja predsjedavajući je u 9,45 sati zaključio sjednicu i zahvalio se svim prisutnim na saradnji.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Halid Genjac